

**Bosna i Hercegovina
Federacija Bosne i Hercegovine
Tuzlanski kanton
Grad Tuzla**



Služba za ekonomski razvoj i društvene djelatnosti

Broj: 04- /2019
Tuzla, 20.02.2019. godine

Na osnovu Sporazuma zaključenog između Grada Tuzle i UNDP BiH, broj: 02-14-8152-2018 od 22.11.2018 godine, kojim su osigurana donatorska sredstva od strane Projekta Dijaspore za razvoj, koji je projekat Ministarstva za ljudska prava i izbjeglice BiH i Vlade Švicarske, u partnerstvu sa UNDP BiH i IOM BiH, i Grada Tuzle u cilju razvoja poljoprivredne proizvodnje zasnovane na organskim principima, na području grada Tuzle u okviru lokalnog projekta „Poboljšanje konkurentnosti poljoprivredne proizvodnje uz podršku dijaspor“, Služba za ekonomski razvoj i društvene djelatnosti raspisuje:

**JAVNI POZIV
za odabir korisnika za proizvodnju ljutih paprika i drugog povrća**

I PREDMET JAVNOG POZIVA

Predmet ovog javnog poziva jeste raspodjela sredstava namjenjena za razvoj poljoprivredne proizvodnje zasnovane na organskim principima, na području grada Tuzle. Sredstva za Javni poziv osigurana su od strane Grada Tuzla i Projekta Dijaspore za razvoj. Putem Javnog poziva planiran je odabir najmanje 21 (dvadesetjednog) korisnika, kojima bi se nabavio sadni materijal i/ili oprema neophodna za uzgoj ljutih paprika i drugog povrća, u skladu sa potrebama izabranog korisnika, a što će Komisija za odabir korisnika utvrditi obilaskom korisnika i to će biti predmet Ugovora potpisanog između Grada Tuzle i korisnika, u protuvrijednosti od oko 1.600,00 KM bez PDV-a po korisniku.

Javni poziv biće objavljen na web stranici Grada Tuzla (www.grad.tuzla.ba), na oglasnoj ploči Grada Tuzle i putem sredstava javnog informisanja.

II KORISNICI SREDSTAVA KOJI IMAJU PRAVO NA PODNOŠENJE PRIJAVA

Pravo na učešće u projektu imaju sva fizička lica, a prvenstveno mlade nezaposlene osobe sa područja grada Tuzle koje posjeduju vlastito poljoprivredno zemljište, zemljište ustupljeno na korištenje ili uzeto u zakup u neposrednoj blizini stambenog objekta u kojem stanuju.

III USLOVI ZA DODJELU SADNOG MATERIJALA I OPREME

Podnosilac zahtjeva treba da ispunjava sljedeće uslove:

1. Da je upisan u Registar poljoprivrednih gazdinstava i klijenata u Gradu Tuzli i izvršio ažuriranje podataka za 2019.godinu, ili će se upisati u Registar poljoprivrednih gazdinstava i klijenata, u roku od 7 dana, od dana potpisivanja Ugovora.
2. Da je podnosilac zahtjeva vlasnik ili zakupac poljoprivrednog zemljišta (min. 3 godine), pogodnog za proizvodnju ljutih paprika i drugog povrća, a koje se nalazi u neposrednoj blizini stambenog objekta u kojem stanuje ili da će zemljište obezbijediti u roku od 20 dana od dana potpisivanja Ugovora.
3. Da ima mogućnost navodnjavanja na parceli, što će verifikovati Komisija za odabir korisnika,
4. Da, u slučaju potrebe, sufinansira do 20% (max. do 320 KM) sredstava za start paket,
5. Da obavezno prisustvuje svim edukacijama iz oblasti proizvodnje ljutih paprika i drugog povrća organizovanim u sklopu projekta,
6. Da ispunjava pogodnosti zemljišnih uslova za proizvodnju ljutih paprika i drugog povrća.

Služba za ekonomski razvoj i društvene djelatnosti Grada Tuzle, nosilac je aktivnosti vezanih za realizaciju Projekta, a Poljoprivredna zadruga „Agropromet“ Tuzla partner projekta.

IV POTREBNA DOKUMENTACIJA

Prijave na Javni poziv predaju se na propisanom obrascu uz koji se prilaže sljedeća dokumentacija:

1. Kopija lične karte,
2. Dokaz o nezaposlenosti kandidata izdat od JU Služba za zapošljavanje TK
3. Ovjerena kućna lista
4. Dokaz o vlasništvu nad zemljištem ili dokaz da se korisnik nalazi u posjedu nad parcelom (kopija ZK izvadka ili Posjedovnog lista, kao i Ugovor o zakupu na minimalno 3 godine,
5. Potvrda o upisu u Registar poljoprivrednih gazdinstava Grada Tuzle, koju izdaje nadležna služba za vođenje RPG i RK,
6. Obrazac Izjave koji je sastavni dio Javnog poziva i sadrži sljedeće:
 - Da će korisnik obezbijediti (zakupiti) zemljište do početka realizacije projekta, ako već nema zemljište u svom vlasništvu ili nije u posjedu nekog zemljišta.
 - da će se upisati u Registar poljoprivrednih gazdinstava i klijenata Grada Tuzle, a najkasnije u roku od 7 dana od dana potpisivanja Ugovora, ukoliko nije upisan,
 - da će dobijenu opremu zadržati u vlasništvu najmanje 3 godine od potpisivanja Ugovora,
 - da ima mogućnost navodnjavanja na parceli,
 - da će u slučaju potrebe sufinansirati do 20% (max. do 320 KM) od nabavne cijene start paketa,
 - da će obavezno prisustvovati svim edukacijama iz oblasti proizvodnje ljutih paprika i drugog povrća organizovanim u sklopu projekta,
 - da ispunjava pogodnosti zemljišnih uslova za proizvodnju ljutih paprika i ostalog povrća,
 - o procjeni iznosa mjesečnog prihoda domaćinstva samo po osnovu poljoprivredne proizvodnje, na dan prijave na Javni poziv.

V KRITERIJI ZA DODJELU SADNOG MATERIJALA I OPREME

Kriteriji za bodovanje podnosioca zahtjeva:

- a) pogodnost zemljišta za proizvodnju ljutih paprika i drugog povrća i mogućnost navodnjavanja (utvrđuje Komisija na licu mjesta),
 - slabi uslovi (veliki nagib, velika zasjenjenost, udaljenost od kuće više od 200 m) 1 bod,

- dobri uslovi (parcela u nagibu,slaba osunčanost, udaljenost od kuće do 100 m) 2 boda,
- jako dobri uslovi (ravno, blagi nagib,osućana strana, blizu kuće, dobar pristup) 3 boda.

Kandidati kod kojih se na terenu utvrdi da ne posjeduju poljoprivredno zemljište pogodno za proizvodnju ljutih paprika (npr.veliki nagib, veličina parcele i sl.) ili nemaju mogućnosti za navodnjavanje neće se bodovati, te se njihove prijave neće uzeti u razmatranje.

b) dodatni bodovi po osnovu pripadnosti jednoj od dole navedenih kategorija:

- podnosilac zahtjeva zaposlen 0 bodova
- podnosilac zahtjeva nezaposlen (vrijeme provedeno na evidenciji nezaposlenih osoba JU Službe za zapošljavanje TK),
 - od 0-3 god. 1 bod,
 - od 3-6 god. 2 boda,
 - od 6-10 god. 3 boda,
 - više od 10 god. 4 boda,
- mlade osobe životne starosti od 18 do 35 godina – 5 bodova

Ukoliko kandidati pri bodovanju imaju isti broj bodova, prednost će imati kandidati koji imaju status mlade osobe i/ili višečlane porodice.

VI PROCEDURA ODABIRA KORISNIKA

Komisiju za odabir korisnika za proizvodnju ljutih paprika i drugog povrća, čine 3 člana: 2 predstavnika Grada Tuzle i 1 predstavnik PZ „Agropromet“ Tuzla.

Zadatak Komisije za odabir korisnika je:

- evidentiranje pristiglih prijava, pregled blagovremenosti i potpunosti prispjelih prijava, evidentiranje kandidata koji ispunjavaju uslove iz Javnog poziva, evaluacija, obavljanje uviđaja na licu mjesta, sačinjavanje Rang liste krajnjih korisnika na osnovu utvrđenih kriterija za bodovanje.

Rang lista odabranih kandidata biće objavljena na oglasnoj ploči i web stranici Grada Tuzle.

VII MONITORING

U svrhu provođenja kontrole namjenskog korištenja dodjeljenih sredstava u okviru Javnog poziva, davalac sredstava (Grad Tuzla) ovlašten je izvršiti provjeru korištenja dodjeljenih sredstava, obilaskom korisnika kojima je dodjeljen sadni materijal i oprema.

Korisnici sredstava kod kojih se prilikom kontrole utvrdi nenamjensko korištenje dodjeljene opreme ili se utvrdi da je ista otuđena, biće dužni vratiti istu ili u slučaju otuđenja vratiti cjelokupan iznos u vrijednosti dodjeljene opreme, u roku od 8 dana, od utvrđivanja činjeničnog stanja na terenu i sačinjenog zapisnika od strane nadležne komisije Grada Tuzle.

Ukoliko se korisnik sredstava ne upiše u Registar poljoprivrednih gazdinstava i klijenata Grada Tuzle, u roku od 7 dana od dana potpisivanja Ugovora, isti je dužan vratiti cjelokupan iznos u vrijednosti dodjeljene opreme.

Ukoliko se u toku realizacije Projekta utvrdi da su navodi u izjavi korisnika sredstava netačni, sredstva se neće dodijeliti ili će korisnik vratiti cjelokupan iznos koji je definisan Ugovorom između Grada Tuzle i korisnika.

VIII NAČIN PRIJAVE NA JAVNI POZIV

Obrasci zahtjeva za prijavu i izjave, na Javni poziv mogu se preuzeti na info pultu Grada Tuzle ili web stranici (www.grad.tuzla.ba).

Propisani obrasci i prateća dokumentacija dostavlja se u zapečaćenoj koverti lično na pisarnicu Grada Tuzle ili prepuštenom poštom na adresu:

GRAD TUZLA

Služba za ekonomski razvoj i društvene djelatnosti

Ul. ZAVNOBiH-a br. 11, 75000 Tuzla

**Komisiji za odabir krajnjih korisnika za proizvodnju ljutih paprika
i drugog povrća u okviru projekta**

„Poboljšanje konkurentnosti poljoprivredne proizvodnje uz podršku dijaspore”

– „NE OTVARATI“.

Rok za podnošenje prijave je 15 dana, od dana objavljivanja javnog poziva na web stranici Grada Tuzle www.grad.tuzla.ba, te na oglasnoj ploči Grada Tuzle, a zaključno sa **7.3.2019. godine.**

Sve dodatne informacije mogu se dobiti u Službi za ekonomski razvoj i društvene djelatnosti, ili na broj telefona 035/307- 416 svakim radnim danom od 08.00-16.00 sati.